



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2011. GODINU BOŠNJAČKE SELJAČKE STRANKE

Broj: 03-07-6-509/12
Sarajevo, 20. novembar 2012. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	6
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bošnjačke seljačke stranke za 2011. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

- 1. Bošnjačka seljačka stranka prekršila je odredbe člana 11. stav (3) i stav (4) Zakona o finansiranju političkih stranaka.**

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bošnjačke seljačke stranke za 2011. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bošnjačka seljačka stranka je ostvarila ukupne prihode u iznosu od 1.200,00 KM, čija struktura je data u sljedećoj tabeli:

Red. br.	Vrsta prihoda	Iznos u KM	Učešće u uk. prihodu %
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	1.200,00	100,00%
7	Prihodi iz budžeta	0,00	0,00%
	Ostali prihodi	0,00	0,00%
	Ukupni prihodi:	1.200,00	100,00%

U godišnjem finansijskom izvještaju stranka je iskazala ukupne rashode u iznosu 1.306,00 KM¹.

2. PREDSTAVLJANJE POLITIČKE STRANKE

Naziv političke stranke: Bošnjačka seljačka stranka. Skraćeni naziv: BSS.

Bošnjačka seljačka stranka je rješenjem broj: 096-0Dps-07-000002 od 18.01.2008. godine upisana u registar Osnovnog suda Brčko Distrikta BiH.

Sjedište političke stranke je u Brčko Distriktu BiH, Brka bb.

Za zastupanje stranke ovlašten je Mirsad Mujkanović, predsjednik.

Lice ovlašteno za podnošenje finansijskih izvještaja za 2011. godinu je Ibrahim Tursunović.

Prema podacima iz godišnjeg finansijskog izvještaja za 2011. godinu, Bošnjačka seljačka stranka nema niže nivoe organizovanja.

¹ Podaci iz ispravljenog obrasca 4 (ukupni rashodi) godišnjeg finansijskog izvještaja za 2011. godinu, koji je dostavljen 26.07.2012. godine.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bošnjačke seljačke stranke za 2011. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Bošnjačke seljačke stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je pregled godišnjih finansijskih izvještaja Bošnjačke seljačke stranke za period od 2008. do 2010. godine, nakon čega su izdati izvještaji o pregledu sa mišljenjem revizora, nalazima i preporukama.

Nakon izvršenog pregleda godišnjeg finansijskog izvještaja za 2010. godinu, Služba za reviziju je izdala Izvještaj o pregledu sa mišljenjem revizora, nalazima i preporukama da stranka treba postupati u skladu sa odredbama člana 11. stav (1) i stav (3) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2011. godinu, utvrđeno je da politička stranka nije ispoštovala sve preporuke koje su date u izvještaju o pregledu finansijskih izvještaja za 2010. godinu, odnosno postupila je suprotno odredbama člana 11. stav (3) Zakona o finansiranju političkih stranaka.

5. NALAZI I PREPORUKE

5.1. NALAZI

Bošnjačka seljačka stranka prekršila je odredbe člana 11. stav (3) i stav (4) Zakona o finansiranju političkih stranaka.

- Bošnjačka seljačka stranka je godišnji finansijski izvještaj za 2011. godinu dostavila nakon zakonom propisanog roka, tj. 11.04.2012. godine, čime je prekršila odredbu člana 11. stav (3) Zakona o finansiranju političkih stranaka.

- Centralna izborna komisija Bosne i Hercegovine je Bošnjačkoj seljačkoj stranci uputila zahtjev za dostavljanje dodatne dokumentacije (dokumentaciju za nenovčanu donaciju, bruto bilans stranke na dan 31.12.2012. godine i kopije izvoda ili potvrdu banke o ostvarenom prometu putem transakcijskog računa broj: 1990550007929794 u periodu 01.01.-31.12.2011. godine).²

² Zahtjev za dostavljanje dodatne dokumentacije za 2011. godinu broj: 03-07-6-509-2/12 od 12.07.2012. godine.

Obzirom da Bošnjačka seljačka stranka nije na zahtjev Centralne izborne komisije Bosne i Hercegovine dostavila potvrdu o ostvarenom prometu putem transakcijskog računa 1990550007929794³ u periodu 01.01.-31.12.2011. godine, prekršene su odredbe člana 11. stav (4) Zakona o finansiranju političkih stranaka.

Uvidom u godišnji finansijski izvještaj za 2011. godinu, utvrđeno je da su troškovi provizije iskazani u iznosu od 106,00 KM, što ukazuje da je stranka u 2011. godini ostvarila promet putem ovog računa.

5.2. PREPORUKE

Preporučuje se Bošnjačkoj seljačkoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbama člana 11. stav (3) Zakona o finansiranju političkih stranaka, odnosno da finansijske izvještaje koje podnosi Centralnoj izbornoj komisiji BiH podnosi u rokovima propisanim ovim zakonom, i*
- *da, u skladu sa odredbama člana 11. stav (4) Zakona o finansiranju političkih stranaka, dostavlja dodatnu dokumentaciju.*

KOMENTAR:

U ostavljenom roku, Bošnjačka seljačka stranka nije dostavila primjedbe na Preliminarni izvještaj o pregledu godišnjeg finansijskog izvještaja za 2011. godinu.

Mr. Hasida Gušić, šef Službe za reviziju

Sanja Čabrilo, revizor

³ Prema podacima iz Jedinstvenog registra transakcijskih računa u Centralnoj banci BiH, ovaj transakcijski račun je ugašen dana 24.02.2012. godine.